

法苑珠林卷第七十五

之三

纓五

邪姪部第六

此別
三部

述意部

訶欲部

奸偽部

述意部第一

夫姪聲敗德智者之所不行欲相迷神聖人之所皆離是以周幽喪國信褒姒之愆晉獻亡家實麗姬之罪獨角山上不悟騎頸之羞近凡夫顛倒縱此貪迷妄見妖姿封著華態皓齒丹脣長眉高髻弄影逶迤增妍美艷所

以洛川解珮能稅駕於陳王漢曲弄珠遂留情於交甫巫山臺上託雲雨以去來舒姑水側寄泉流而還往遂使然香之氣迴襲韓壽之衣彈琴之曲懸領相如之意或因薦枕而修觀解繫地煩惱不能斷伏且地水火風誰

成親或藉掛冠而爲密豈知形如聚沫質似浮雲內外俱空須臾散滅舉身不淨合體無常方棄溝渠以充蠅蟻凡是衆生有此邪行乖梵天道障菩提業爲四趣因感三塗果是知三有之本實由婬業六趣之報特因愛染

以潤業偏重故聖制不爲也

貪欲部第二

第一明貪欲滋多者如涅槃經偈云

若常愁苦愁遂增多如人喜眠眠則滋多貪婬嗜酒亦復如是

又正法念經偈云

如火益乾薪增長火熾然如是受樂者愛火轉增長薪火雖熾然人皆能捨離愛火燒世間纏綿不可捨

又智度論偈云

世人愚惑貪著五欲至死不捨爲之後世受無量苦譬如愚人貪著好果上樹食之不肯時下人伐其樹樹傾乃墮身首毀壞痛苦而死得時樂少失時苦多如蜜塗刀舐者貪甜不知傷舌後受大苦

成實論偈云

貪欲實苦 凡夫顛倒 妄生樂想 睿者見苦
見苦則斷 受欲無厭 如飲鹹水 轉增其渴
以增渴故 何得有樂 譬如狗駁 血塗枯骨
增涎嚥合 想謂有美 貪欲亦爾 於無味中
邪倒力故 謂爲受味 故知色欲 苦實樂虛
要無貪求 方名真樂

第二明觀女不淨者但惟諸女外假容儀內
懷臭穢迷人著相不覺虛誑唯大智者能知
可惡也又禪祕要經云長老目連得羅漢道

本婦將從盛服莊嚴欲壞目連目連爾時爲
說偈言

汝身骨乾立 皮肉相纏裹 不淨內充滿
無一是好物 華囊盛屎尿 九孔常流出
如鬼無所宜 繆五 何足以自貴 汝身如行廁
薄皮以自覆 智者所棄遠 如人捨廁去
若人知汝身 如我所惡厭 一切皆遠離
如人避屎坑 汝身自莊嚴 三 華香以瓔珞
凡夫所貪愛 智者所不惑 汝身不淨聚
集諸穢惡物 如莊嚴廁舍 愚人以爲好

汝脅肋著脊如椽依梁棟
不淨如屎篋汝身如糞舍愚夫所貪保
飾以珠瓔珞外好如畫瓶若人欲染空

始終不可著汝欲來燒我如蛾自投火
一切諸欲毒我今已滅盡五欲已遠離

魔網已壞裂我心如虛空一切無所著
正使天欲來不能染我心

又增一阿含經云寧以火燒鐵錐而鑠于眼
不以視色興起亂想又正法念經云女人之
性心多嫉妒以是因緣女人死後多生餓鬼

趣中雖有美言心如毒害強知虛詐能惑世
間第三明女人難親可厭者故優填王經偈
云
女人最爲惡難與爲因緣恩愛一縛著
牽人入罪門

非直牽人入惡道天中退落亦由女惑故正
法念經偈云

天中大繫縛無過於女色女人縛諸天
將至三惡道

又智度論云菩薩觀欲種種不淨於諸衰中

女衰最重火刀雷電霹靂怨家毒蛇之屬猶可暫近女人慳妬瞋詣妖穢鬪諱貪嫉不可親近故佛說偈云

親近故佛說偈云

寧以赤鐵宛轉眼中不以散心邪視女色
含笑作姿擗五慢羞慙迴面攝眼四美言妬瞋
行步妖穢以惑於人姪羅彌絅人皆投身
坐卧行立迴躬巧媚薄智愚人爲之心醉
執劔向敵是猶可勝女賊害人是不可禁
毒蛇含毒猶可手捉女情感人是不可觸
又增一經偈云

莫與女交通亦莫共言語有能遠離者則離於八難

故薩遮尼乾子經尼乾子說偈云

自妻不生足好姪他婦女是人無慚愧受苦常無樂現在未來世受苦及打縛捨身生地獄受苦常無樂

又雜譬喻經云佛在世時有一婆羅門生兩頭女皆端正乃故懸金九十日內募索有能訶我女醜者便當與金竟無募者將至佛所佛便訶言此女皆醜無有一好阿難白佛言

此女實好而佛言惡有何不好佛言人眼不
視色是爲好眼耳鼻口亦爾身不著細滑是
爲好身手不盜他財是爲好手今觀此女眼
視色耳聽音鼻覩香身喜細滑手喜盜財如
此之者皆不好也又佛說日明菩薩經云善
譖可色欲法女色者世間之枷鎖凡夫戀著
不能自拔女色者世間之重患凡夫困之至
死不免女色者世間之衰禍凡夫遭之無厄
不至行者既得捨之若復顧念是爲從獄得出
還復思入從狂得正而復樂之從病得差

釋五

五

復思得病智者怒之知其狂而顛蹶死無日
矣凡夫重色甘爲之僕終身馳驟爲之辛苦
雖復銖質寸斬鋒鏑交至甘心受之不以爲
患狂人樂狂不是過也行者若能棄之不顧
是則破枷脫鎖惡狂獸病離於衰禍旣安且
吉得出牢獄永無患難女人之相其言如蜜
而其心如毒譬如停淵澄鏡而蛟龍居之金
山寶窟而師子處之當知此害不可暫近室
家不和婦人之由毀宗敗族婦人之罪實是
陰賊滅人慧明亦是獵圍勘得出者譬如高

羅群鳥落之不能奮飛又如密網衆魚投之
刺腸組几亦如暗坑無目投之如蛾赴火是
以智者知而遠之不受其害惡而穢之不爲
此物之所惑也又佛般泥洹經云佛告奈女
好邪姪者有五自妨一多聲不好二王法所
疾三懷異多疑四死入地獄五地獄罪竟受
畜生形皆罪所致能自滅心不邪姪者有五
增福一多人稱譽二不畏縣官三身得安隱
四死上天生五從立清淨得泥洹道
奸僞部第三

又舊雜譬喻經云昔有大姓家子端正以金
作女像語父母言有女似此者兒乃當取時
他國有女貌亦端正亦作金男白父母言有
男似此乃當嫁之父母各聞便遠娉合時國
王舉鏡自照謂群臣曰天下人顏有如我不
經五
諸臣答曰臣聞彼國有男端正無比則遣使
請之使至告之王欲見賢者則嚴車進去已
自念王以我明達故來相呼則還取書而見
婦與奴爲奸悵然懷憾爲之結氣顏色衰醜
臣見如此謂行道消瘦馬廄安之夜於廄中

見王正夫人與馬下人私通心乃自悟王
大夫人尚當如此何況我婦意解心悅顏色
如故則與王相見王曰何因止外三日答曰
臣來有忘還歸取之而見婦與奴爲奸意忿
顏色衰變故住廄中三日昨見正夫人來與
養馬兒私通夫人乃爾何況餘人意解顏色
復故王言我婦尚爾何況凡女兩人俱捨便
入山中剃髮作沙門思惟女人不可從事精
進不懈俱得辟支佛道又舊雜譬喻經云昔
有婦人生一女端正無比年始三歲國王取

視呼道人相後堪爲夫人不道人報王此女
有夫王後得之王言我當牢藏豈可後得便
呼鶴來汝處在何鶴白王言我止大山半腹
有樹人畜不歷下有洄水船所不行王言我
以此女寄汝_將養便撮持去日日從王取飯
與女如是久後上有_七一卵卒爲水漂去有一
樹竚逐水下流有一男子得抱持樹墮洄水
中不得去迴有蒲桃樹踊出住倚山傍男子
尋之得上鶴樹與女私通女便藏之鶴覺女
身重左右求得男子舉撮棄之如事白王王

曰前道人善功相人也師曰人有宿對非力所制逢對則可畜生亦爾又舊雜譬喻經云昔有國王護持女急正夫人語太子曰我爲汝母生汝不見國中欲一迴出汝可白王如是至三太子白王王則聽可太子自爲御車群臣於路奉迎設拜夫人出手開帳令人得見太子見女人而如是便詐腹痛而還夫人言曰我無相甚矣太子自念我母尚當如此何況餘乎夜便委國捨去入山遊觀時道邊有樹下有泉水太子上樹逢見梵志獨行入

水池浴出已飯食作術吐出一壺壺中有女與屏處室梵志得卧女人復吐一壺壺中有男復與共卧卧已吞壺須臾之頃梵志起已復內婦著壺中吞已杖持而去太子歸國白王請梵志及諸臣下作三人食持著一邊梵志既至言我獨自太子曰梵志汝當出婦共食梵志不得已出婦太子語婦汝當出夫共食如是至三不得已出男共食食已便去王問太子汝何因知之答曰我母觀國我爲御車母開出手令人見之我念女人能多樂欲

便詐腹痛還入山中見梵志藏婦腹中如是女人奸不可絕願大王放赦宮中自在行來王勅後宮其欲行者任從志也師曰天下不可信者女人是也又舊譬喻經云昔有四姓藏婦不使人見婦值青衣人作地突與琢銀兒私通夫後覺婦婦言我生不邪行卿莫妄語夫言吾不信汝當將汝至神樹所立誓婦言甚佳夫持齋七日始入齋室婦密語琢銀兒汝詐作狂亂頭於市逢人抱持牽引棄之夫齋竟便將婦出婦言我不見市鄉將我過

標五

市琢銀兒便來抱持詐狂卧地婦便哮呼其夫何爲使人抱持我耶夫言此是狂人何須記錄夫婦俱到神所叩頭言我生來不作惡但爲狂人所抱婦便得活夫默然而慙佛言當知一切女人奸詐如是不可信也又十誦律云佛在舍衛國有一婆羅門生女面貌端正顏色清淨名曰妙光相師占曰是女後當與五百男共通諸人聞已女年十二無有求者時婆羅門有隣比佑客常入海採寶是佑客於樓上遙見是女即生欲心問餘人言是

誰女耶答是某甲婆羅門女有取者耶答言
無有求者問何故無人求耶答曰此女有一
過罪相師占曰是女後當與五百男子共通
所以無求者時估客念言除沙門釋子無入
我舍者即往求取女到家未久估客結伴欲

經五

九

入海中喚守門者語言我欲入海莫聽男子
強入我舍除沙門釋子此是無過答言可爾
估客去後沙門於舍乞食是女見已語言共
我行欲諸比丘不知白佛佛言此舍必有非
梵行汝不應往此女後得病於夜命終其家

人以莊嚴具合棄死處時有五百群賊於此
處行見是死女即生欲心便就行欲是女先
語沙門婆羅門共我行欲以此因緣故墮惡
道在彼國北方生作婬龍名毗摩達多
正報頌曰

邪姪入地獄 登彼刀葉林 熟鐵釘其口
洋銅灌入心 毒龍碎骨髓 金剛鼠食陰
銅柱緣上下 鐵牀卧隱深
習報頌曰

昏婬亂情色 受苦無表裏 餘業得人身

自妻恒背已 彼此懷猜忌 孰肯順情旨

稍有性靈人 寧得無慙恥

感應緣略引十
驗

漢有談生冥婚恠

晉有盧充冥婚恠

河南有男感女重生恠

有張世之冥婚恠

馮馬子感女重生恠

桓道愍感婦重生恠

宋韓伯子等指廟女像冥婚恠

弘農人感得冥婚恠

齊王奐仕妬殺妾冥報恠

陳氏害前婦兒冥報恠

唐岐州王志冥婚恠

印人韋犯誓外私冥報恠

漢有談生者年四十無婦常感激讀經書通

夕不卧至夜半時有一好女年十五六姿顏

服飾天下無雙來就談生遂爲夫婦言曰我

不與人同夜君慎勿以火照我也至三年之

後乃可照耳談生與爲夫婦生一兒已二歲

矣不能忍夜伺其寐便盜照視之其腰已下
肉如人腰已上但是枯骨婦覺遂去云君負
我我已垂變身何不能忍一年而竟相照耶
談生辭謝涕泣不可復止云與君雖大義今
將離別然顧念我兒恐君貧不能自諧活暫
遂我去方遺君物談生遂入華堂蘭室物器
不凡乃以珠被與之曰可以自給裂取談生
衣裾留之辭別而去後談生持被詣市睢陽
王買之直錢千萬王識之曰是我女被那得
在市此人必發吾女塚乃收考談生談生具

以實對王猶不信乃徃視女塚塚全如故乃
復發視果於棺蓋下得衣裾呼其兒視貌似
王女王乃信之即出談生而復之遂以爲女
婿表其兒爲郎中右一驗出

晉時有盧充范陽人家西三十里有崔少府

櫟五

十一

墳二十時先冬至一日出宅西獵戲見有一
聲便射之射已斃倒而復走起充步步迹之
不覺遠去忽見道北一里門瓦屋四周有如
府舍不復見聲到門中有一鈴下唱客前復
有一人捉一襍新衣曰府君以此衣將迎郎

君充便取著以進見少府語充曰尊府君不以僕門鄙陋近得書爲君索小女爲婚故相迎耳便以書示充父亡時充雖小然已識父手迹便即歔欷無復辭託崔便勅內盧郎已便可使女郎莊嚴就東廊至黃昏內白女郎嚴飾竟崔語充君可至東廊旣至廊婦已下車立席頭即共拜時爲三日供給飲食三日畢謂充曰君可歸去若女有相生男當以相與生女當自留養勑外數車送客充便辭出崔送至中門執手涕零出門見一獨車駕青

牛又見本所著衣及弓箭故在門外尋遣傳教將一人捉襍衣與充相問曰姻授始爾別甚悵恨今致衣一襲被褥自副充便上車去馳如電逝須臾至家母問其故充悉以狀對別後四年三月三日充臨水戲忽見傍水有一獨車乍沉乍浮旣而近岸四坐皆見而充往開其車後戶見崔氏女與其三歲男兒共載女抱兒以還充又與金錠別并贈詩一首曰煌煌靈芝質光麗何猗猗華艷當時顯嘉會表神奇含英未及秀中夏罹霜萎

宋耀長幽滅

世路永無施

不悟陰陽運

哲人忽來儀

今時一別後

何得重會時

充取兒銳及詩畢婦車忽然不見充後乘車

詣市賣銳真有識者有一婢識此銳還白大

家曰市中見一人乘車賣崔女郎棺中金銳

大家即是崔氏親姨母也遣兒視之果如婢

言乃上車叙其姓名語充曰昔我姨妹少府

女出而亡家親痛之贈一金銳著棺中可說

得銳本末充以事對兒亦悲咽便齋還白母

母即令充家迎兒還五親悉集兒有崔氏之

續五

上

狀又有似充之貌兒銳俱驗姨母曰此我外
生也即字溫休溫休者是幽婚也兒大爲郡
守子孫冠蓋相承至今其後植字子幹有名

天下右此一驗出

續搜神記

晉武帝世河間郡有男女相悅許相配適既
而男從軍積年父母以女別適人無幾而憂
死男還悲痛乃至塚所始欲哭之叙哀而已
不勝其情遂發塚開棺即時蘇活因負還家
將養數日平復其夫乃徃求之其人不還曰
卿婦已死天下豈聞死人可復活耶此天賜

我非卿婦也於是相訟郡縣不能決以讞廷尉廷尉奏以精誠之至感於天地故死而更生在常理之外非禮之所處刑之所裁斷以還開塚者右一驗出搜神記

晉時武都太守李仲文在郡喪女年十八權

續五

十三

假葬郡城北有張世之代爲郡世之男字子長年二十侍從在廐中夢一女年可十七八顏色不常自言前府君女不幸早亡會今當更生心相愛樂故來相就如此五六夕忽然晝見衣服薰香殊絕遂爲夫妻寢息衣皆有

汙如處女焉後仲文遣婢視女墓因過世之婦相聞入廐中見此女一隻履在子長牀下取之啼泣呼言發塚持履歸以示仲文仲文驚愕遣問世之君兒何由得亡女履耶世之呼問兒具陳本末李張並謂可憐發棺視之女體已生肉顏姿如故右脚有履左脚無也自爾之後遂死肉爛不得生萬恨之心當復何言泣涕而別

晉時東平馮孝將爲廣州太守兒名馬子年二十餘獨卧廐中夜夢見女子年十八九言

我是前太守北海徐玄方女不幸早亡來出入四年爲鬼所枉殺案主錄當八十餘聽我更生要當有依馬子乃得生活又應爲君妻能從所委見救活不馬子答曰可爾與馬子尅期當出至期日牀前地頭髮正與地平今人掃去逾分始悟是所夢見者遂屏除左右人便漸漸額出次頭面出一次項形體頓出馬子便令坐對榆上陳說語言奇妙非常遂與馬子寢息每誠云我尚虛自節問何時得出答曰出當得本生日尚未至遂往

廐中言語聲音人皆聞之女計生日至女具教馬子出已養之方法語畢拜去馬子從其言至日以丹雄雞一隻黍飯一盤清酒一升餽其喪前去廐十餘步祭訖掘棺出開視女身體貌全如故徐徐抱出著氈帳中唯心下微暖口有氣綱五婢四人守養護之常以青羊乳汁瀝其兩眼始開口能咽粥積漸能語二百日中持杖起行一朞之後顏色肌膚氣力悉復常乃遣報徐氏上下盡來選吉日下禮娉爲夫婦生二男一女長男字元慶永嘉初

爲祕書郎中小男字敬度作太傅掾女適濟南劉子彥徵士延世之孫右二驗出續搜神記

晉桓道愍者譙人也晉隆安四年喪婦道愍內顧甚篤纏痛無已其年夜始寢視屏風上見有人手驚起炳炬照屏風外乃其婦也形

獲免脫今當受生爲人故來與君別也愍曰當生何處可得相尋知不答曰但知當生不測何處一爲世人無容復知宿命何由相尋求耶至曉辭去涕泗而別愍送至步廊下而歸已而方大怖懼恍惚積日

四五

十五

宋咸寧中太常卿韓伯子某會稽內史王蘊語往還陳叙存亡愍曰卿亡來初無音影今夕那得忽還答曰欲還何極人神道殊各有司屬無由自任耳新婦生時差無餘罪正恒疑君憐愛婢使以此妬忌之心受報地獄始

日悉相迎某等以其夢指適異常試往相問而果各得此夢符協如一於是大懼備三牲詣廟謝罪乞哀又俱夢蔣侯親來降已曰君等既以顧之實貪今對期垂及宣容方更中悔經少時益亡

右此一驗
出志惟傳

宋時弘農華陰潼鄉陽首里人也服八石得水道仙爲河伯幽明錄曰餘杭縣南有上湘湘中央作塘有一人乘馬看戲將三四人至岑村飲酒小醉暮還時炎熱因下馬入水中枕石眠馬斷走歸從又悉追馬至暮不及眠

覺日已向晡不見人馬見一婦來年可十六七一女郎再拜日旣向暮此間大可畏君作何計問女郎姓何那得忽相聞復有一年少年可十三四甚了了乘新車車後二十八至呼上車云大人暫欲相見因迴車而去道中路駱驛把火尋城郭邑居至便入城進廳事上有信旛題云河伯信見一人年三十許顏容如畫侍衛繁多相對欣然勑行酒炙云僕有小女乃聰明欲以給君箕箒此人知神敬畏不敢拒逆便勑備辦令就郎中婚承自己

辦送絲布單衣及紗祫綃裙紗衫褲履屐皆
精好又給十小吏青衣數十人婦年可十八
九姿容婉媚便成三日後大會客拜閣四日
經五
云禮既有限當發遣去婦以金甌麝香囊與
簪泣涕而分又與錢十萬藥方三卷云可以
施功布德復云十年當相迎此人歸家遂不
肯別婚辯親出家作道人所得三卷方者一
卷脉經一卷湯方一卷丸方周行救療皆致
十六
神驗後母老邁兄喪因還婚宦右此一驗
出搜神記
齊琅琊王奐仕齊至尚書左僕射甚信釋典

而妬忌之深便妾怒嘗在齋內使愛妾治髡
忽有烏銜黃梅過庭而墜臭猜妾有密期擲
果爲戲使奴出外覘視遇見一士向攤私遊
奴即往攆捉而此人言瞋汙牒便遁走奴
還白之臭謂彌用有實苦加覈問妾備自陳
終不見察即遣下階笞殺之妾解衣誓曰今
日之死實爲枉橫若有人天道當令官知爾
後數見妾來訴怨俄而出爲雍州刺史性漸
狂異如有憑焉無故打殺小府長史劉興祖
誣其欲反爲御史中丞孔稚珪所奏世祖遣

中書舍人呂文顯直閣將軍曹道剛領齊伏
兵收奐奐子虎素稱凶剽及女婿殷徽遂勸
奐曰曹呂今來不見真勑恐爲奸變政宜錄
取馳以奏聞奐納之便配千餘人仗閉門拒
守虎遂取與官軍戰虎敗而走寧蠻長史裴

叔業於城內舉兵攻奐斬之時人以爲妄之

報也右二驗出
櫟五

宋東海徐某甲前妻許氏生一男名鐵曰而
許亡其甲改娶陳氏陳氏凶虐志滅鐵曰陳
氏產一男主而咒之曰汝若不除鐵曰非吾

子也因之名曰鐵杵欲以杵擣鐵曰也於是
撫打鐵曰備諸苦毒飢不給食寒不加絮某
甲性闇弱又多不在後妻恣意行其暴酷鐵
曰竟以凍餓病杖而死時年十六亡後旬餘
鬼忽還家登陳牀曰我鐵曰也實無片罪橫
見殘害我母訴怨於天今得天曹符來取鐵
杵當今鐵杵疾病與我遭苦時同將去自有
期日我今停此待之聲如生時家人賓客不
見其形皆聞其語於是恒在屋梁上住陳氏
跪謝擣煩爲設祭奠鬼云不須如此餓我今

死豈是一餐所能對謝陳夜中竊語道之鬼

厲聲曰何敢道我今當斷汝屋棟便聞鋸聲

屑亦隨落拉然有響如棟實崩舉家走出炳燭照之亦了無異鬼又罵鐵杵曰汝既殺我安坐宅上以爲快也當燒汝屋即見火然煙

焰大猛內外狼狽俄爾自滅茅茨儼然不見

虧損日日罵詈時復歌云桃李華嚴霜落奈何桃李子嚴霜早落已聲甚傷切似是自悼不得成長也于時鐵杵六歲鬼至便病體痛

蕩大上氣妨食鬼屢打之處處青黴月餘而

死鬼便寂然

右一驗出
怨冤志

唐顯慶三年岐州岐山縣王志任益州縣令考滿還鄉有在室女面貌端正未有婚娉在道身亡停在綿州殯殮居棺寺停累月寺中先有學生停一房內夜初見此亡女來入房

經五

六

內莊飾華麗具申禮意欲慕相就學生容納相知經月女與學生一面銅鏡巾擲各一念欲上道女共學生具展哀情密共辭別家人求覓此物不得令遣巡房求之於學生房覓得令遣左右縛打此人將爲私盜學生具說

逗留口云非唯得娘子此物兼留下二衣共
某辭別留爲信物令遣人開相檢求果無此
衣兼見女身似人幸處既見此徵遣人解放

借問此人君居何處答云本是岐州人因從

父南任父母俱亡權遊諸州學問不久當還

令給衣馬莊東同歸將爲女夫憐愛甚重見西

明寺僧法雲本鄉
梓州具說如是

唐武德中印人姓韋與一婦人言誓期不相
負累年寵衰婦人怨恨韋懼其反已自縊殺
之後數日韋身癰瘍因發癩瘍而死韋孝誥

說向臨云是某從兄右一驗出
冥報記

妄語部第七此別二部

述意部

引證部

述意部第一

惟夫稟形人世逢斯穢濁之時受質僞身恒
作虛妄之境所以妄想虛構惑倒交懷違心
楔五十九背境出語皆虛誑惑前人令他妄解致使萬
苦爭纏百憂總萃種虛妄之因感得輕賤之
報地獄重苦更加湯炭迷法亂真實由妄語
也

引證部第二

又正法念經偈云

妄語言說者

惱一切衆生

彼常如黑暗

有命亦同死

語刀自割舌

云何舌不墮

若妄語言說

則失實功德

若人妄說話

口中有毒蛇

刀在口中住

炎火口中然

口中毒是毒

地上毒非毒

口毒割衆生

命終墮地獄

若人妄說話

自口中出膾

舌則是泥濘

舌亦如熾火

若人妄讒語

爲善人捨離

天則不攝護

常憎嫉他人

與諸衆生惡

方便惱亂他

因是入地獄

又優婆塞戒經偈云

若復有人樂於妄語 是人現得惡口惡色
所言雖實人不信受 衆皆憎惡 不喜見之

是名現世 惡業之報 捨此身已 入於地獄
受大苦楚 飢渴熱惱 是名後世 惡業之報

若得人身 口不具足 所說雖實 人不信受
見者不樂 雖說正法 人不樂聞 是一惡人

因緣力故 一切外物資生減少 以此證知妄

語之人三世受苦又禪祕要經云若有四衆
於佛法中爲利養故貪求無厭爲好名聞而
假僞作惡實不坐禪身口放逸行放逸行貪
利養故自言坐禪如是比丘犯偷蘭遮過時
不說自不改悔經須臾間即犯十三僧殘若
續五
經一日至於二日當知此比丘是天人中賊
羅刹魁膽必墮惡道犯大重罪若比丘比丘
尼實不見白骨自言見白骨乃至阿那般那
是比丘比丘尼誑惑諸天龍鬼神等此惡人
輩是波旬種爲妄語故自說言我得不淨觀

乃至頂法此妄語人命終之後疾於電雨必
定當墮阿鼻地獄壽命一劫從地獄出墮餓
鬼中八千歲時取熱鐵丸從餓鬼出墮畜牛
中生恒負重死復剥皮經五百生還生人中
聾盲瘡啞瘻殘百病以爲衣服如是經苦不
可具說又正法念經偈云

甘露及毒藥 倘在人舌中 甘露謂實語
妄語則爲毒 若人須甘露 彼人住實語
若人須毒者 彼人妄語說 毒不決定死
妄語則決定 若人妄語說 彼得言死人

妄語不自利 亦不益他人 若自他不樂
云何妄語說 若人惡分別 喜樂妄說語
死墮大刀上 得如是苦惱 妒害雖甚惡
唯能殺一身 妄語惡業者 百千身被壞
經五 又佛說須賴經云佛言夫妄言者爲自欺身
亦欺他人妄言者令人身臭心口無信令其
心惱妄言者令其口臭令其身色天神所棄
妄言者失一切諸善根本於已愚冥迷失
善路妄言者一切惡本斷絕善行閑居之本
又正去令至閻羅王責疏罪人說偈云

實語得安樂 實語得涅槃 妄語生苦果
今來在此受 若不捨妄語 則得一切苦
實語不須買 易得而不難 實非異國來
非從異人求 何故捨實語 喜樂妄說語
妄語言說者 是地獄因緣 因緣前已作
唱喚何所益 妄語第一火 尚能燒大海
況燒妄語人 猶如燒草木 若人捨實語
而作妄言說 如是癡惡人 棄寶而取石
若人不自愛 而愛於地獄 自身妄語火
此處自燒身 實語甚易得 莊嚴一切人

捨實語妄語

癡故到此處

又智度論說偈云

實語第一戒 實語升天梯 實語小如大

妄語入地獄

又薩婆多論云不妄語者若說法議論傳語

一切是非莫自稱爲是常令推寄有本則過
也不爾斧在口中又十誦律云若語高姓人
云是下賤若兩眼人云是一眼並得妄語又
語一眼人汝是瞎眼人並得輕惱他罪

正報頌曰

妄語誑人

地獄受罪拙

餓鋸解其形

熱鐵耕其舌

灌之以洋銅

磨之以剛鐵

悲痛碎骨髓

呻吟常嗚咽

習報頌曰

妄語入三塗

三塗罪已決

餘業生人道

被謗常憂結

繫五還爲他所誑

恨心如火熱

智者勿尤人

驗果因須滅

法苑珠林卷第七十五

音釋

以序姓也切遠迤
也鐵風無切鏑丁歷旁空胡切俎切以壯所
體者几盛牲居又切廩宣佳切睢模逢玉切
戲歎歌休居切歎香衣切獻擬戰切犒
歎悲泣泣氣咽抽息也獻議也犒
託盍劫醕持旁切醕祭以酒次地也譙慈焦切
也捨訖洽切婉娟婉委遠切娟明櫛覲癡
切閨離力支切蝶先結切拉落答切狼狽
也捨蕃也切嫫嬪也切拉推也切狼狽
也捨當切嫫嬪也切拉推也切狼狽
也捨於許切嫫嬪也切拉推也切狼狽
也捨黑也切擣側髮切拉推也切狼狽